



UNIVERSITÄTS-  
BIBLIOTHEK  
PADERBORN

Provincia Sicilia.

---

[urn:nbn:de:hbz:466:1-68715](https://nbn-resolving.org/urn:nbn:de:hbz:466:1-68715)

74  
P R O V I N C I A  
S I C I L I A.



VONIAM in hac Prouin-  
cia duorum materia anno-  
rum apte conglutinari non  
potest: ita in locis singulis  
mutatus est numerus no-  
strorum, & nusquam fere,  
res eiusdem modi vtroque  
anno accidere: nec tamen distrahere oportet:  
ego autem iam priorem annum composue-  
ram: mediam quamdam viam tenebo: seiun-  
gam tractatione, coniungam ordine: hoc  
consilio, vt nominatim distinctis annis, sub  
suum veluti signum singula censeantur.

A N N O X C.

HABVIT Socios tercentum quinquagin-  
ta. Panormi, in professorum Domo quin-  
quaginta: in Collegio viginti octo: Messanæ  
octoginta quattuor: Catanæ vnde viginti: to-  
tidem Syracusis: in Collegio Montis Regalis  
tres & viginti: vno plus in Biuonensi: in Dre-  
panitano septemdecim: in Calataieronensi  
octodecim: in Rhegino & Minæensi ternos  
denos: in Probationis Domo Messanensi  
triginta septem: in Sede Calatanassettensi  
quat-

S I C I L I A. 75

quattuor. Desiderati sunt quattuor. Adscripti in Societatem duodeviginti.

A N N O X C I.

**H**ABVIT Socios tercentum quadraginta vnum. Panormi in professorum Domo, quinquaginta tres: in Collegio quadraginta octo: Messanæ vnum & sexaginta: Catanæ viginti quinque: quindecim Syracusis: totidem in Collegio Montis Regalis: in Biuonensi viginti quinque: in Drepanitano quattuordecim: vno plus in Calataieronensi: in Rhegino sedecim: duodeviginti in Minænsi: in Probationis Domo Messanensi triginta: sex in Sede Calatanassertensi. Desiderati sunt quattuor. Nouem in Societatem adscripti.

DOMVS PROFESSA PANORMITANA.

A N N O X C I.

**I**VBILEI tempore, quod ineunte anno promulgatum est, magnus ad expiationem noxarum, mortalium concursus: nec exiguo nostrorum labori par fructus respondit. Meretrix nota & nobilis, quæ ad lenocinium formæ addens veneficia multos sibi turpi vinculo obstrinxerat, in matrimonium honeste col-

locata

locata. Mauri septem a Maumete ad Christum conuersi, nostrorum opera ad baptismum præparati, & instructi. Quidam hæresi emerſus, in qua per septem annos volutabatur. Adoleſcens, moribus & ingenio ferox, ſuaſu noſtrorum, reconciliatus inimico, a quo graue vulnus acceperat, admirante ciuitate: auxit admirationem paucis poſt diebus relicto ſæculo Cœnobium ingreſſus. Ita proficere in dies eorum eſt proprium, quos diuinus amor inuaſit. Alter, cum pœnas poſſet ſumere ex inimico iacente, maluit ignoſcere. Episcopus quidam ſororis ſuæ filium equitem Hieroſolymitanum noluit in aulam accipere, niſi antea noſtris commentationibus excultum. Quo tempore in hac domo celebrata Congregatio patribus ex tota Prouincia confluentibus, factum eſt Proregis benignitate, ſtudijsque Archiepiſcopi, vt ad nos peruenirent aurei quingenti. Sodalitium dicatum beatæ Virgini, ſacellum ædibus noſtris continens ædificauit, duum millium impenſa. Vnus e ſodalibus, cum grauiter agrotaret, magnam pecuniam legarat in pios vſus, idem poſtea conualeſcens per ſe ipſe effecit, quod alijs mandaratum quid videlicet expectaret amicos, quod ipſe agere poſſet. In acerba illa, & memorabili lignei pontis diſſolutione, quo Proregem Melſana redeuntem exceptura, obuiam, cum Senatu, & ſacrorum Antiftite nobilitas Panormitana,

mitana, de more, processerat, misereque permulti obruti aquis, absumptique sunt: nostrorum sacerdotum caritas in solandis parentibus, coniugibusque mortuorum, ita eluxit, ut illi suorum desiderium Christiane ferentes, postridie ad templum nostrum accesserint Christi corpore reficiendi. Illud non omittendum, quod cum per illos ipsos dies ductus esset quidam ad supplicium, sacerdos vnus nostris, qui eum firmarat in morte, capto tempore, superiorem illam calamitatem, ut vindicem scelerum dictitans a Deo immissam, ita permouit ingentem hominum multitudinem, ut, Crucifixi signo sublato, adhortatus omnes, qui animam saluam cuperet, præeuntem sequeretur, tria hominum millia ad ædem adduxerit: quos & conscensa concione impulit ad peccatorum detestationem, lacrimasque, & nonnullos ex ijs, qui inter se dissidebant, ad mutuam concordiam & pacem. tantum valet in conficiendis negotijs opportunitas rei gerendæ.

## A N N O X C I.

**Q**VAE GRAVIS vrebatur plebem annona, nostrorum studia in procurando pauperum victu accendit. Domi nostræ ad multos menses quotidie ducenti circiter refecti. Auctum templum antea non satis capax multitudi-

ritudinis confluentis, beneuolentia præcipue  
 Proregis, qui ex multatitia pecunia mille au-  
 reos attribuit. Triduo ante Cineralia institu-  
 ta supplicatio horarum quadraginta, illustris-  
 simo Archiepiscopo sacrum faciente: matuti-  
 na & pomeridiana iisdem diebus habita con-  
 cio, frequentia iuxta, & utilitate populi admi-  
 randa: quin & Prorege ipso cum vxore fami-  
 liaque, templum diesque rite concelebrent.  
 Idem vsurpatum Nouembri mense diuino nu-  
 mini placando. Non adiuti solum, qui vincti  
 erant in carcere, sed & soluti sunt, nostris  
 connitentibus, ferme trecenti. Tantum au-  
 tem potuit vnius cohortatio apud duos rixan-  
 tes, vt etsi alter iam sclopum expedierat, fi-  
 nem fecerint contentionis & odij.

COLLEGIVM PANOR-  
 mitanum.

A N N O X C.

**C**OETVS iuuenum, qui Dei matrem pa-  
 tronam habent, augetur quotidie & flo-  
 re, & numero: nec euanescit fructus. Septem  
 religiosam vitam complexi: ex his quattuor,  
 nostram. ardor omnium ad virtutem e pauco-  
 rum perspicietur exemplis. Adolescens ad co-  
 ercendam libidinem voto castitatis se obstrin-  
 xit, in hebdomadas singulas renouando. Fra-  
 ter

ter minor maiorem gerentem cum quodam inimicitias, libertate & efficacitate orationis ad pacificationem primum, dein ad confessionem, Dominicique sumptionem corporis adduxit. Ceterum, cum adolescentuli multi ambirent Sodalitium, excluderentur ætate, institutum hoc anno Oratorium, ut imbuan- tur interea, mox, ubi adoleuerint, in maio- rum ordinem inferendi. Enata ex illis Acade- mia Parthenia, ingeniorum curriculum, & experimentum: eiusque natalis dies, multige- nis epigrammatis, & emblematis ingenti læ- titia celebratus. Ceterum, discipuli sic tena- ces pudoris, & pudicitia, ut eorum nonnulla dicta factaue depromi possint ad exemplum. Ero tantum vnus narratione contentus. Vnum ex his, cum ad rem suam iret, mulier magno- pere euocat e fenestra, ingressum domum, & nihil mali suspicantem, precibus aggreditur, blanditijsque prænuntijs flagitij: exhorruit iuuenis impudentiam mulieris, & sublata voce execratur, quod alligare se nolit tam tur- pi facinore: cum subiecisset impudica, At sta- tim te sacerdos absoluet: respondit idem, sol- ui quidem a sacerdote possum, sed ego me sce- lere obstringere non debeo. hæc cum intonuis- set magni animi adolescens, quæ laus mili- tia, in simili genere pugna, arrepto cursu fu- gientem victoria secuta est.

**A**DDITIS viginti, quos inter, magistri quattuor, Philosophiæ, Theologiæ, duoque casuum conscientiæ, auctum Collegium magna gratulatione ciuitatis: celebratus is dies sollemni pompa, præsentibus magistratibus, in aula Collegij instructa. Datum initium Academiae Philosophorum, Theologorumque, ex iuuenibus, queis ingenium & genus illustre. & iam altera erat eorum, qui ad Humanitatem informantur: huius cum renuntiatus esset rector, filius Præfecti regno, voluit parens ad excitandam inter æquales æmulationem, tribui præmia victoribus, pereleganti dialogo præeunte. E Dei matris Congregatione cum obisset vnus, elatus est comitantibus ceteris cum funalibus accensis, suspiciente factum populo, & collaudante, non sine commendatione nostrorum. Quinque sæculum deseruere, duo, vt sub nostro, reliqui vt sub alijs ordinibus militarent. ambiunt & alijs, sed obstant angustia temporum. Fuit enim, quod superius intellectum est, hæc ciuitas in tanta inopia, vt & multi honesta alioqui familia fame morerentur. Fuere leuamento hominum duobus millibus, aurei bis mille quingenti, quos Collegij Rector a nobilitate collegit.

MES-



## MESSANENSE COLLEGIUM.

A N N O X C.

**V**IR PRIMARIUS, pellicem, quam per annos duodeviginti sibi domo & consuetudine deuinxerat, nostris hortantibus, iusta cum dote dimisit. Vir præterea nobilis, qui hominibus coactis in alterius necem imminabat, vno e nostris intercedente, odio in penitentiam verso ita mutatus est, vt eadem fere hora, quos parauerat ad homicidium, ad sacram confessionem adduxerit, & exemplo incitauerit. Mulieres item tres, vna eademque de causa, a cognatis & propinquis designatae erant ad eadem, & duarum quidem interfectis inuentis, tertiæ, in quam magis irasciebatur, nix tandem repertus est: totum hoc consilium, cum ad vnum, qui nostrum frequentat templum sacramentorum causa, permanisset, illum conuenit, cui mandatum erat, vt interficeret tertiam: perducit ad nostros: ita res omnis, Deo annuente, patefacta, & opportunitate remedij repressa est. Maior frequentia hominum conuenientium ad nostram ædem, quod capacior facta. ad eius ornatum Illustrissimus Buteræ Princeps, & Lecodiæ Marchio, Franciscus Sancta Pax, ter mille aureos, atque ibidem suum corpus tradendum

F sepul-

sepulturæ, testamento reliquit. Ciuitatis quoque erga nos liberalitas & beneuolentia perspecta est, cum ad subleuandam inopiam Collegij, vt vectigal annuum aureis ducenis septuagenis quinis augetur, curauit. Ceterum rogatu Episcopi missus sacerdos cum socio Pactas (nomen est oppidi) ita deuinxit ciues bene dictis factisque, vt, ipsomet adnitate Episcopo, de ædificatione Collegij cogitetur. Concionum vberes fructus. Virgo, etiam vni desponsa, ita exarsit amore perpetuæ virginitatis, vt eius seruandæ se voto voluerit teneri. nec multo post concessu Episcopi incluserit in Cænobium. sublata discordiæ: iurgia sedata: restituta pecunia: pellices dotata, ac dimissæ: nobilium Congregatio instituta, eiusque promouendæ ratio tradita: comprecatio ad horas quadraginta indicta, e qua surgentes multi, requisierunt sponte inimicos, vt cum illis reconciliarentur. didicerant nempe reconciliari debere cum hominibus illos, qui Deum cupiebant habere placatum.

## A N N O X C I.

**C**OMPLVRIBVS vndique confluentibus omni ope destitutis, fameque laborantibus, laboratum est a nostris in ea propulsanda. inita ratio, vt per Curiones conficeretur index domorum miserabilium: tum moderator Collegij vicatim distribuit inter nostros

stros urbem fere vniuersam: & in suam quisque regionem hebdomada sapius conquisitam pecuniam tulit. Nostræ præterea domi magna quotidie alebatur multitudo: exhibant dehinc socij per vias, ac fora, vt quotquot reperirent pueros errabundos, manu prehensos, atque in Collegium adductos recrearent cibo, vestirent etiam plerosque. cocta & in Collegio cibaria, & comportata in carcerem ad publicas custodias: e quibus laxata nonnullæ. Neque hoc tamen satis erat remedium, gliscente inopia, & morte grassante. Igitur Rector, patresque alij, egerunt cum magistratu, & viris aliquot opulentis, vt geminæ instruerentur ædes: vtris alteræ, alteræ mulieribus sustentandis, perducti primum septingenti. Nec propterea desitæ subleuari feminæ non prodeunt in publicum necessitate oppressæ. Res tulit, vt cum hæc omnia commendaret sacerdos pro concione, affirmaretque posse in præsens negotium, & vasa ex auro argentoque vendi, calicesque comminui, quidam ex auditoribus ita sit commotus animo, vt statim in Collegium miserit duo vasa argentea, ignotum per hominem, mittentis nomine suppresso. Sed alia videamus. Fratres germani duo, e prima nobilitate, efferati odio, quale solet esse fraternali, implacabili, demitigante animos vnus e nostris oratione, ad lacrimas primum, dein ad pacem compulsi.

pulsi. Idem præstitum cum alijs duobus, quorum vnus alterum vulnerauerat. reconciliati præterea plures: & homicidia, quin & parricidia prohibita. perditam vnus vitam admodum a nostris cum virtutum studio, & Capuccinorum instituto mutauit. Nouem e concubinato emerfere: vnus ex his difficili pugna. Suspendarius vix tandem se agnouit, & aperuit, collo in laqueum inserto. stetit etiam opera in religiosis aliquot adinuandis. Captiui non pauci ante baptismum ad fidem instructi. Urbana quattuor parœciæ aditæ, coactis omni ætati, sexuque, explicandæ doctrinæ Christianæ. extremis Bacchanalibus, cum lasciuia indulget sibi liberius, ex ijs, qui templum nostrum frequentant, viri amplius centum, sese acriter cruentantes flagello, præeunte cum cruce puerorum cœtu in speciem Angelorum, concentuque Musico, obierunt urbem celebri pompa. e Parthenijs, decem addixerunt se varijs Cœnobijs: vnus nostro. Hæc inter, accidere & quædam admiranda. Sacerdos in concione quadam testabatur, satis habiturum se vnus animæ conuersionem: eamque ad rem audientium preces aduocauit: putauit vnus, qui aderat, illam ad se machinam adhiberi: cum hac cogitatione euntem cubitum arctior somnus complexus est: aspicit sacerdotem, tamquam audientem de peccatis, & erudientem in ratione pie viuendi: so-

di: solutus somno, venit nostrum ad templum, vidit eundem iterum, an videre visus, inuitantem ad ingressum: paruit viso, seu somnio, vt alteri narrauit. Alius, de consilio nostrorum, dum melioris meditatur initium vitæ, & apud se, domi, vespere, clauso cubiculo, secretus agit, audire visus vocem matris vocantis, (ea iam pridem mortua erat) cum respondisset, conticuit: nec multo post eadem vox: & postquam responsum est, silentium: cum idem fieret tertio, egressus cubiculo, cupidine quid hoc esset sciendi, non sine horrore neminem videt. redit magis perturbatus animo, nec satis admirans, quid rei esset: & denuo vox: Miserum te, quid agis? quibus tuam vitam committis? an ab improbis hominibus vllum fidele consilium? quin tu rem tuam vide: vita istos, perniciem ac pestem ciuitatis. sensit iuuenis mendacij patrem, & notari nostros. tum vero intrepide. Immo noui viros magnæ fidei, ac sanctitatis: & stat sequi sententiam ipsorum, quos certum habeo propter beneuolentiam, nolle, propter prudentiam, nec posse, de quoquam mortalium male mereri. it ad nos mane anxius, exponit sacerdoti dialogum, acceptoque sigillo cereo consecrato, nec similis deinde vox ad aures accidit, & timor omnis ab animo abscessit. At mulieri, quæ aduersis conflictata rebus, cacodæmonem excierat, eique sese deuoue-

rat, tætrior species obiecta: nocte enim proxima, antequam in somnum, sentit strepitum quasi pedum scalas ascendentium, leui motu recitat symbolum Apostolorum de consuetudine, siue ex metu: videt interea totam domum compleri igne: clamorem extollit, & excitat matrem dormientem in proximo: hæc attonitam conspicata filiam, & scitata causam incendij, admonet vt salutaris impressio ne signi obarmet frontem: quod cum vtraque fecisset, imago flammæ per fenestras, multo cum sulphure fumoque, euauit. confirmauit hoc spectrum pietatem matris, filix temeritatem coercuit, Ceterum, in tot laboribus, multos e nostris morbus oppressit, aliquot extinxit: in his Patrem Carolum Pharaonem, qui magnam reliquit sui famam virtute partam. quadraginta annos meruit in Societate, Philosophiam, Theologiam docuit: conciones habuit cum fructu: mortem obiit vitæ consentaneam. is est, qui adhuc puer, cum Societatem affectat, abstractus a parentibus, & domiclausus, quando aliter non dabatur exitus, prima nocte, cum arrepto linteo, ad nudum Christum seminudus profugit, commemorabili exemplo.

## CATANENSE COLLEGIVM.

ANN O X C. M. L V

**C**ONGREGATIO Catanæ duplex, discipulorum, & nobilium: vtriusque progressio admirabilis, præsertim nobilium: quibus, eo die, qui annum aperit, inuitatus Episcopus panem Angelorum tribuit, incredibili voluptate. eodem rogante, vnus e nostris, in templo principe, ter hebdomada disputat de moribus & officijs hominis Christiani, magno totius Cleri, ac multorum religiosorum concursu. Confessiones quamplurimæ exceptæ, eo tempore maxime, quo Pontificiæ indulgentiæ fontes patuerunt Gallicano incendio restinguendo: prouisum etiam a nostris, ne clauderentur ijs, qui carcere tenebantur. In castro Regali (nomen est oppidi) sacerdos vnus, Quadragesima, conciones habuit: terque singulis hebdomadis disputationem de vitijs & virtutibus Christianis: sexta quaque feria, sub vesperam, de cruciatibus Christi: & fuit pretium audiendi. Ceterum Eustachio Paterno contigit, vt in hoc Collegio moreretur: egregius vita, domoque, triginta annos in Societate posuerat, maximam partem oppressus morbo, cuius vim placate ac fortiter tulit, magno animo dolores corporis superante.

F 4 AN-

**V**IS MORBORVM, per sex ipsos men-  
 ses perpetuo grassantium, magna nostris,  
 dum subinde vocantur ad ægrotos, ac mori-  
 bundos, fructuose laborandi occasio fuit. ad-  
 iuti qui in carcere attinebantur: & ex ijs ali-  
 quot libertate donati, sublenati egentes: sedita  
 inimicitia: restitutiones facta: meretrices  
 abducta: duxit vnus vxorem concubinam, e  
 qua liberos sustulerat. filij duo cum patre re-  
 conciliati: vnus in eum impetum fecerat iam  
 ense stricto: itaque & genu flexo veniam pe-  
 tijt: alter sic iram nutriebat, vt videretur  
 placari non posse: eo pax vtilior, & mirabi-  
 lior ciuitati fuit. Mulier, accepta insigni iniu-  
 ria, impotens iræ, inuocato dæmone, contem-  
 dit ad littus, vt se in mare demergat. hic cum  
 vidisset beatæ Agathæ effigiem in pariete, eius  
 opem implorat, animo fluctuante: offert se sta-  
 tim illi mulier panem ferens, & pisces, quibus  
 refota, abijcit consilium mortis: cum reuertif-  
 set domum, hortari filium ad vltionem non  
 definit: donec tandem cum ægrotasset, suasu  
 vnus e nostris, mutauit mentem, & durauit  
 in rebus aduersis. Nobilium Sodalitas in su-  
 stentandis vinctis, & quinque collocandis,  
 quæ erant orbæ parentibus, magnopere excel-  
 luit. Priuatorum liberalitas in ornando tem-  
 plo,



plo, augendoque Collegio, non parua: neque illis cedit sacrorum Antistes. Hic etiam, dum excipiendis agrorum confessionibus assiduam nauat operam Pater Ioannes Baptista Gulsus, morbum contraxit, varijsque perfusus in Societate laboribus, acquieuit anno vigesimo septimo;

## COLLEGIUM SYRACUSANVM.

A N N O X C.

**A**T SYRACVSIS, clausit diem extremum Pater Michael a Letaualle. fuit vnus e primis, quos Pater noster Ignatius, sancta memoria, in Siciliam destinauit: triginta sex annos in hoc Collegio collocarat, haud scias maiorene laborandi materia, an cupiditate: sic spiritu feruens discedebat ab obsequio corporis: excellens consuetudine precandi, cui sic instabat, vbi cessarat a laboribus, dies noctesque, ac si tota religiosi hominis vita oratio, aut pia occupatio esset. excessurus instrui noluit viatico; ante, quam se flagris de more cecidisset. quanti viuens fieret, declarauit luctus, & certamen animorum, in celebrando funere, & stringendis vestibibus, pileoque, vt haberent aliquid, reliquiarum loco. sed & ciues ipsi, e maiore Sodalitio, sextis Quadragesimæ serijs in templo nostro flagella vsurparunt: ex  
ijs non-

ijs nonnulli, Bacchanalibus, cum in ægrotum incidissent, suis manibus asportarunt in nofodochium, populo admirante. fratres præterea duo intestinis odijs dissidentes nostrorum cura pacificati. in reliquis officijs, quia sollempnia, nihil memorabile occurrit.

A N N O X C I.

**N** E X I S, ægrotis, ductis ad supplicium non defuere subsidia. Multi se religionis vinculo obligarunt. Vnus ascitus a nobis.

C A L A T A I E R O N E N S E

Collegium.

A N N O X C.

**C** A L A T A I E R O N E N S I V M eximiam erga nos benevolentiam, vt semper alias, ita etiam proxime experti, quinque aureorum millibus ad absolutionem templi liberaliter oblatis. nec tamen nulla obtigit materia patientiæ. Sacerdotem vnum vir nobilis, incertum qua concitus rabie, infestus, in media via laceravit contumeliis, probrisque: quæ cum ille transmitteret silentio, magnoque animo ferret, lætus pro nomine Iesu contumeliam pati, ita obstupescit maledicum, vt admiratione in pœnitentiam ver-

sa

sa, eum affecutus suppliciter petierit veniam, tantoque in honore habuerit, vt paulopost exiturus e vita eundem acciuerit, cuius praesidio firmaretur ad mortem. Sic plerumque, Deo permittente, ex non bono principio non parua vtilitas consecuta est.

## A N N O X C I.

**I**LLVSTRISSIMVS Buterae Princeps, quod studiū erga Societatem in omni vita, ostendit etiam in morte clarissimis exemplis. Ergo Lecodiæ implicitus morbo nostros accersit: mittuntur duo: de peccatis confessus, & Eucharistia percepta, praedicit sibi Sabbatho proximo deeedendum, nec falso: ad signum salutationis Angelicae, die dicto, diem clausit extremum: atque, vt ne abesset corpore a nobis, efferri voluit in Messanense Collegium, adornarique sacellum trium millium impensa. Ciuium amor, qui solet, indicauit proxime, publica aqua in Collegium perducta. Subsidio pauperum contulere aureorum duo milia septingenta quinquaginta. his sustentata ad dies plurimos tria hominum millia. Nostra etiam liberalitas, vt his temporibus, quae potuit. Cum e Turcarum seruitio erepti multi, ad pia loca se conferrent, gratijs agendis, accepti a nostris, nec nisi post duplex conuiuium, quo & animos recreauerunt, & corpo

ra, dimissi. Magnus in ciuitate fructus. Ad priuatos quoque sua utilitas manauit. Quidam in supremo morbo, vt ne aperiret conscientiam, offirmauerat animum: verum efficaci vnus e nostris oratione a sententia deductus est: tanta cum mutatione, ac voluptate ipsius, vt grates perinde ageret, vt eius opera ab Inferis emerfus. Sed & mulier perquam diu infueta nostro templo, cum ante Crucifixi imaginem, quasi extra se posita, orat sensum aliquem dolorum, quos ipse pertulisset in morte, paulo post nacta morbum, tam saeue cruciata est toto corpore, ad aliquot menses, vt ignorantibus causam medicis, ac remedium, expirans fidem fecerit, cuius particeps dolorum fuerit, eius non expertem iam esse voluntatum ex diuino promisso.

### COLLEGIUM RHEGINVM.

A N N O X C.

**R**HEGINI quoque nobis minime defuere: curarunt, ex consensu Proregis Neapolitani, publicam, et per amplam viam assignari Collegio, nostris vsibus maxime opportunam: & iam inaedificatae duae classes: & praeter horti aream satis patentem, relinquitur ad huc locus ad aliquot cubicula extruenda. a nobis etiam in ciuitatem extitit aliquis fructus.

fratres

fratres quatuor, quorum de amore agebatur in actione familiarum eriscundæ, vt, multis publice priuatimque agentibus, iamdiu ad concordiam redigi non possent, tandem, quodam e nostris interprete, vno die, re composita, in gratiam rediere summa gratulatione ciuitatis. Ex hoc Collegio in quoddam Sicilia oppidum missus sacerdos quadraginta diebus ieiunio dicatis, non minus strenuam operam quam vtilem compluribus nauauit. sex mulierculas a turpi vita, totidem viros ab amore sæculi abduxit. e concione de supremo iudicio tantus incussus est timor animis audientium, vt statim ea audita centum viginti homines, nudis pedibus processerint, operti facis, sese grauitur verberantes, effuso in spectaculum populo, necia lacrimis temperante: at illi æstimabant sæuitiam æternarum pœnarum, qui vltro breuitatem præsentium tam forti pectore subibant.

## A N N O X C I.

**I**DEM semel atque iterum præstitum, anno sequenti, sed aliam ob causam: bis precibus indictis ad horas quadragenas in nostro templo, fami auertendæ coaluit Congregatio opificum, magno numero, ac fructu: ac præter cetera, diebus festis, a concione vespertina, per horam integram simul preces effundunt:

fundunt. Ceterum quidam, forte an ægro-  
tus, nihil enim diserte de eo perscriptum, cum  
multorum concubinam annorum exegisset  
domo, hora altera moritur.

M I N A E E N S E C O L L E G I V M .

A N N O X C .

**M** I N A E E N S E S ingentes gratias agunt  
habentque fundatori Collegij, nostro-  
rum utilitate perspecta: quod & faciunt oppi-  
da propinqua: odia inter nobiles restincta: ab-  
intestis, aliquot, sædaque consuetudine tra-  
ducti: peccatorum pestis auersa: prohibita me-  
dicamenta, quæ parabantur partui abigen-  
do. Discipulorum magni profectus: Parthe-  
nij excellunt: hi ualde delectarant populum  
in quadraginta horarum sollempni comprec-  
tione: & a tā honestis principijs pueritiæ, spem  
afferebant adultæ virtutis, ubi robor iuuen-  
tæ adesset.

A N N O X C I .

**F** U N D A T O R I S aduersum nos amor  
grati erga eum animi significatione au-  
ctus. eius ope donati nobis aurei nongenti.  
Auctum Collegium sociorum Academia,  
qui humaniores litteras profitentur. Adiuti  
inopes, in hac difficultate temporum, re at-  
que opera nostrorum.

C O L .

COLLEGIUM DREPANITARVM.  
ANNO XC.

**D**REPANI sacerdotis nostri concionibus, fata Sodalitas opificum ducentorum fere & quinquaginta, cum onere hebdomadarij conuentus, & menstruæ sacramentorum perceptionis: magnus ex his perceptus fructus, totius vitæ peccata exponentibus, antequam in communem cœtum admittantur. excogitatum item, quasi seminariolum, ubi pueri ad pietatem excoluntur, cum per ætatem licuerit, in Congregationem discipulorum gaudentium patrociniò Deiparæ Virginis ituri. Vir propter sinistram opinionem ab interficienda vxore nostrorum opera deterritus.

ANNO XCI.

**A**CCEPTVM æs, quod Ioannes olim Pineria, vir æterna dignus memoria reliquerat fundando Collegio, coemendis proximis domibus, augendoque sacro instrumento, non parua pecunia desponsa, partim etiam attributa, subleuata fames multorum, quingentorum aureorum stipe collecta. nec minus opis collatum in mulieres conuersas, quarum aliquot, stimulante inopia, fugam meditabantur.

COL

## C O L L E G I V M M O N T I S R E G A L I S.

A N N O X C.

**A**RCHIEPISCOPVS, quam semper ostendit de nobis benemerendi uoluntatem, nuper etiam re ipsa comprobauit: donauit eleemosynæ nomine duo millia aureorum, quorum partem in annuos redditus, partem in ædificationem Collegij contulimus. auctus numerus confluentium ad nostrum templum gratia confessionis: ut, celebrioribus quibusdam diebus festis, ad mille recensiti dicantur: qui numerus in ciuitate non maxima, maximus putatur. auditi de tota uita quinquaginta. constitutum Sodalitium opificum, agricolarumque. at discipulorum auctum Clericis ex Seminario, eorumque Praefectis: ingenti utrumque cum spe futuri profectus. Ex ijs, qui in nostrum ordinem sunt cooptati, unum parens id facere tentantem ad Episcopum detulit, a quo etiam illi adiudicatus est: idem postea facti pœnitens, sponte, Dei scilicet impulsu, filium obtulit cum magna utriusque uoluptate. ex Probationis Domino sacerdos in diebus maximi ieiunij missus ad uicinum oppidum, reduxit in gratiam duos duodecimum iam annum disidentes, odio implacabili. Cum in concione ageret de diligendis



gendis inimicis, fuit unus, qui in media con-  
 cione, ut postea rettulit, quæ fuit inimicum  
 oculis, ut rueret in eius amplexus: & spes  
 eum tenet fore, ut Deus inspector cordium  
 uoluntatem pro facto remetiatur. fenus coer-  
 citum: usuræ compressæ: magnus confesio-  
 num generalium numerus exceptus. strictim  
 multa percurramus, magis id adeo exigente  
 ordine, quam quod res notissimæ demonstra-  
 tione indigerent.

## A N N O X C I.

**A**DDITVS tertius Grammaticæ profes-  
 sor auxit numerum studiumque discen-  
 tium. nec defuit in adiuuandis pauperi-  
 bus, uinctis, ductisque ad patibulum, pacifi-  
 candis inimicis, auertendis cædibus, occasio  
 exercendæ pietatis. Mulierem improbam  
 Deus hoc uiso ad meliorem uitam adduxit:  
 existimabat secundum quietem sedere se in  
 limine nostri templi: aspicit Angelos splen-  
 dide uestitos, specie uenerantium egregia ui-  
 rum facie, & habitu regali. atque hic ad eam:  
 Ingredere, inquit, ingredere: alioquin non  
 effugies pœnas cruciatus horrendi. eum arbi-  
 trata Dei esse filium, cum aditus non pateret,  
 oclusis foribus, veniam suppliciter petens,  
 experrecta est: nec frustra somnium fuit.

## 98 PROVINCIA

## BIVONENSE COLLEGIUM.

ANNO XC.

**S**ODALES Mariæ Virginis festis diebus urbem circumeunt emendicantes stipem verecundæ paupertati. Dux Bivonensis centum sexaginta aureos contulit ad ornatum imaginis Deiparæ Roma transmissæ, ad exemplum eius, quæ colitur in Exquilijs, & auctorem, ut fertur, Lucam Evangelistam habere: respondet operi cultus. Adiuti diuersis temporibus duo, qui agebantur ad supplicium, magno cum eorum fructu, motuque multorum, qui conuenerant ad videndum. Cum inueterata essent odia inter nobiles familias duas, nec tolli posse viderentur, vnus e nostris dexterritate & consilio sunt penitus euulsa: & quo pax magis esset explorata, duo, qui erant capita discordiarum, eodem die in Sodalitium Dei matriscooptati. Quidam desiderio amissi filij obstinauerat mori, & iam abstinentiam omnis cibi in biduum produxerat, ore ac membris in eum pallorem albentibus, ut ostentui esset parum spiritus superesse: cum conuenisset vicinia ad spectaculum, accitus sacerdos, qui illac casu transibat, offendit hominem iacentem in lecto, actis introrsum oculis, morti proximum: nec visum lenibus agere

agere cum obstinato, mortem indicat appro-  
 pinquare, simulque post eam minatur a Deo  
 infligendas pœnas, modo ac termino caren-  
 tes: iniectus timor Inferorum, an quæ sem-  
 per comitatur hominem quamuis miserum,  
 dulcedo viuendi, leuauit primo dolorem, &  
 flexit ad studium abeuntis vitæ reuocandæ:  
 tum vero, cum cibo corporis additum animo  
 solatium: sed tamen cum adhuc prostratæ vi-  
 res inedia erigi non possent, & clamaret æger  
 se intimo vexari dolore cordis, ventum est  
 ad subsidia spiritualia: recitat sacerdos par-  
 ticularum Euangeliorum sancti Marci ægrotan-  
 tibus accommodam, spe solum in Deo defixa.  
 cum proferrentur illa, Super ægros manus  
 imponent: idemque fieret re ipsa, quod for-  
 mula præcipiebat, veram fuisse spem orantis  
 probauit euentus: vocem enim extulit æger,  
 & Melius inquit, habeo Pater. quod & prodi-  
 gio simile fuit. ex sacerdotis nostri concioni-  
 bus, in adiacentibus oppidis, non exiguus fru-  
 ctus susceptus est. in vno excitata Sodalitia  
 duo sub tutela & vocabulo Dei parentis. in al-  
 terum, quod e nobilioribus conflatur, nomen  
 dedit Toparcha: qui & ædificando procho-  
 trophio, eodem patre sodalibusque adiuuantibus,  
 saxa humeris subuectauit: nempe, quod  
 deberent facere ceteri, faciendo docebat.

**I**N TEMPLO maximo, ab sacerdote nostro, habitæ conciones ieiunio verno utilitate iuxta & opportunitate magna ciuitatis, restituerunt multi, quod recte non habebant: et quidam facultates suas omnes tradidit vni nostris, vt de ipsis statueret suo arbitratu. patefecerunt complures quicquid deliquissent in vita. turpem aliqui amicarum consuetudinem cum matrimonio mutarunt. Cum pro suggestu concionator, vt fit, in vitia esset inuectus, vnus, incertum qua causa, an quod se designari suspicaretur admonente conscientia, dimissa concione sacerdotem contumeliosis vocibus repercusit: sed eius patientia, an quod interposito spatio ira relanguisset, ad se primum, deinceps etiam in gratiam nobiscum redit. At iuuenis alius turpioris uitæ, admonitus a nostris, sic erratum agnouit, vt abiecerit se statim ad pedes admonentium: mox in contrarium ita mutatus est, vt oblatas etiam peccandi occasiones magno animo reiecerit.

M I S S I O N E S A N N I  
superioris.

**I**NTER vberes Siciliæ fructus, non est omissendus, quem Missiones extulerunt anni

ni superioris. Cum enim ex præscripto Patris nostri Generalis post spirituales exercitationes, essent aliqui ad laborandum in vinea in varias partes mittendi, e multis vndique flagitantibus duodecim delecti ad opus. E Collegijs videlicet, Panormitano, Drepanitano, Catanensi, Minæensi, Calataieronensi, Melfanensi, vnaque e Probationis Domo: e singulis binis: a quibus profectis diuerso itinere, sex expeditiones ineunte hieme susceptæ. labor vt in asperitate viarum, difficultate temporum, magnitudine frigorum, annonæ caritate, hominibus imperitis regionum, nec magnopere ad talia assuetis, in magna rerum penuria, non facile ferendus: sed consolatus est fructus. habitæ conciones in compitis templisque: auditæ confessiones tum anniuersariæ, tum vitæ vniuersæ: quadragenarum horarum preces obitæ: firmati in supremo certamine, qui animam agebant: consolatione leuati mærentes: publicæ custodiæ interuisæ: qui non erant soluendo, e carcere liberati: Christianæ doctrinæ elementa pueris, imperitisque adultorum, tradita: meretrices octo conuersæ: homicidia decem impedita: tres ab inferenda sibi morte prohibiti: compositi reconciliatique animi disidentium: restitutiones quamplurimæ factæ: inopia laborantibus subuentum: atque, vt summatim completar omnia: alij re, alij fide, alij gratia, alij

consilio, alij præceptis salutaribus adiuti. Scè-  
 cerneretur tamen hoc vnum: quod in quodam  
 oppido, regulus cum coniuge pauperes om-  
 nes ad conuiuium inuitauit, viros mulieres-  
 que, & suo vterque sexui separatim dispo-  
 sito, sedulus conuiuator, pie ac solicite admini-  
 strabat: magna omnino fuit species illius diei  
 tanta uero utilitas e singulis Missionibus, vt  
 omnia oppida communibus votis repeti-  
 orent in singulos annos. adeo natura  
 nihil expetitur ab hominibus, ni-  
 si cuius fructum an-  
 tea prou-  
 derint.

P R O .